


928
3
42

後村先生大全集

四二





後村先生大全卷一百六十九

行狀

樞密鄭公

公諱 字載伯鄭氏其先自固始遷闈之長溪六世
墳墓在焉後析長溪之半剏福安人始宮保少行藝
推三舍宮傅以風義聞一鄉至宮師學博文高為鄉
先生後進尊事以越百里來從遊者初宮師感異夢
而生公穎悟端凝與常兒異學不煩教督文不肯臨
舊家貧借里中書手抄口誦遂貫通百家紹定己丑
上龍飛策士公奉對言人君之心主於一則天下之

治定於一擢甲科第授文林郎隆興府觀察推官侍御史汪剛中郡人也某利富僧死汪利其衣鉢也先貽書休府寮公奮曰腕可斷筆不可屈客從中都來言汪怒甚發必烈公若不聞者數日汪死豐城飢檄公賑荒請粟三萬斛與俱家至戶到多所全活滿調兩浙漕司幹官蒞職踰月丁官師憂貧無扶護資鄉人叶力助之乃克歸葬免喪趙公與權京尹辟觀察判官富民爭繼立時相陰有所主數有風旨公擬筆不少回互相怨其下事曹司卒莫能易除吏部架閣淳祐初元為省試點檢官召試館職時經筵讀仁皇

訓典徹章御書大學西銘克己銘顏樂 賜宰輔學士院以此發策困及時銘樊四事公對三代而下治莫粹於仁宗而不見求道之迹道莫粹於今日而反虧為治之效蓋道卽是仁也仁卽心也剛健不息其體也克周不窮其用也仁宗之心恭儉寡欲中正無私其體立矣政事歸中書賞罰不內出其用行矣當時大臣杜富韓范又皆為君而不為身為國而不為家為功名節義而不為利祿權貴為四海困窮而不為所識窮乏是以至公感動和氣融液天地之閒無塞不流無止不行此仁宗之心所以如天也今日

未能立剛健之體以行克周之用而區區焉一記
三銘之相為賜以民則貧以國則匱以內則肝膽之
相隔以外則手足之不隨豈非危微之際猶未精一
而二三大臣之所以正袪扶持者闕歟除正字時相
使其客通殷勤公不答輪對言危下之證不可有危
亡之憂不可無陛下與大臣非不知憂也不可為真
憂也何謂真憂在乎此心之剛而已子曰張也慾焉
得剛蓋有欲則不剛惟剛不屈於欲天下之壞極矣
私意蔽弄非一人禍胎醞釀非一日不獨常國者之罪
亦眚心未能無欲而然也又乞定國本公應對詳敵

上傾耳以聽每奏稱善翌日宣諭宰執鄭博學老成
頗不詭隨相默然執政游公侶徐公榮史皆奏其人
可脩內學訓導自是相始不樂公矣久之除校書以
在職一年改秩兼國郎史院編修官實錄院檢討官
上欲擢公諫官相以史學薦基之也再對極陳至
日雷變之異又言貂璫啓玩好異服漸假竊菲食厚
宮雖嘗納諫掄材伐石亦切課工陛下脩身之道未
脩也紀綱非不欲嚴精神豈能獨運朝廷之實未著
也方劾吏而徒官當擊姦而忌器臺諫之公論未伸
也三邊形勢渙散沿江守戍單弱疆場之守禦未可

保也臣恐三百年金甌之業壞於今日矣是日口奏多不可記上意益親既退例納副封相厲色以待遷著作佐郎兼右侍郎官改兼司封再請外不允遷著作郎上欲申諫官之命相云自小司成見闕人宜留以備師儒之選俄以公知温州命出復收上意相以憂歸麻制起復公謁告不聽宣布除右正言兼侍講力辭上批擢卿言職出自朕意益彈忠蓋自結主知又面諭自卿初對朕已識卿時上方卜相游杜二公以內祠經筵召公款贊上決首言具瞻之位不可久虛嵩之哀經方新士庶譏諫未息陛下雖召歸舊弼斥

去姦朋方且徘徊四顧未有所主夫陰晦者姦之藏間隙者邪之同謹重詳審於中而明自昭晰於外則相定而天下服矣上用嵩之意未已公奏乞早命相絕其覬覦以邊事為辭公爭論移晷又言三數年來擅國者引用人布滿周行人材哀少為上言當世名勝宜名用者翌日御筆詳鄉所奏雖切事理退進大臣豈容輕移易公再自劾宣諭丞相趣具赴闕舊弼賓之經筵朕意如此卿宜體悉又使中貴人勉公安息上問歷言某人上曰王遂已手足不仁公傳者之誤上又曰方大原且留在廣既而惟此二人未召

餘皆收用又言公論之在天下當使之周流不當使之壅塞忠賢之生斯世當使之翕聚不當使之流落除殿中侍御史於是嵩之所用如項容孫陳一薦曾寵迪葉賁王瓚周文虎所親如戴埴史曾之
堦之流以次論劾中外肅然公既盡所薦十二人者問因進講言去相事當明 天下咸知聖意况陛下已疑之疑則勿用若 覆出禍可勝言上首肯云卿言極當但彼以憂歸何罪可如公奏他勿論經營起復罪莫大焉以此罪之夫復何辭上云但拒其來足矣嵩之從子璟卿中毒死都人言毒之者嵩之僕也公

奏璟卿嘗許嵩之乃殺之以滅口推此心以往凡有不便於己者何所不至哉請窮治璟卿死狀未幾石史徐元杰暴卒口鼻流血眾益譁公請昭白其事以紓朝野之憤詔公鞠實公反覆究適聞兩處具獄公言元杰毒死明甚然蹤迹詭密不得主名乞下有司重賞求賊不敢以一勛不獲而遂已又言盜殺唐相武元衡投紙金吾府縣曰毋急我急我先殺汝或告王承宗遣卒張晏所為既伏辜矣後東都留守呂元膺獲真盜則殺元衡者李師道也夫遣帝有迹矣有告之者不為無證矣猶不免於逸盜而殺無辜况無迹

與證欲於旬日之內就十餘囚煨煉成獄非臣所能
臣猶乞昭明公言也今乞求賊亦公言也議者謂臣
黨惡臣之心迹可不待辨惟是不能汙獄實臣之罪
章再上上曰卿所論人皆嵩之黨且每言其短妄議
不必恤秋旱乞停營繕卻貢獻又彈嵩之罪惡不報
除侍御左相范鍾年高策免公言淳熙中王淮為相
八年僅以祠歸今鍾除職足矣又進二秋鍾不敢安
宜聽其辭上既相游公外廷謂宜並建二相公奏臣
豈以並相為終不可者必有相須之才無相反之志
而後可萬一置左之後人懷異見各行政事各用人才

必起紛紜游公遂獨相年餘開府節度使思正欲班
少保嗣沂王貴謙少保嗣榮王與嵩之上公言臺令
及紹興制尊長不越於官序開府不先於少保乞戒
思正毋踰禮法因請令講官訓迪諸帥哨騎大人淮
東閩師去不侵代公奏令還鎮備禦代至乃行中興
配享不及張魏公公追論後有社稷大功宜侑食三
學因小忿紛紛未已公奏往者起復姦相扣閣之書
興起一髮之公議推明萬世之綱常此是非差惡忘
也睹宸翰之盼則欣然有喜聞氣節之舉則悚然不
受陳義甚高此恭敬辭遜之心也一旦因鄙褻之爭

後林... 卷之九
賦... 碩...
忌正大之見移怒有司徧詣臺省昔也所為如彼其
壯今者所為如彼其卑臣甚為學校惜士始有不樂者
又言士大夫稍有資格才望不屑為廣郡率以處妄
庸右科前名自從軍至閣職不六七年即擁麾又有
沉然召試者亦部符而去宜稍重廣郡選廉能非右
科前名毋輕授閣職以清其源除左諫議大夫入謝
上曰卿三年言責議論純正無所附麗故擢卿諫長公
言陛下取近親錫嘉名聖慮甚遠宜加意訓導之職
又為之精選左右庶有薰陶之益又言臣聞陛下退
朝之暇靜坐為常孔氏之言曰戒謹不睹恐懼不聞

又曰莫見乎隱莫顯乎微君子必慎其獨蓋不睹不
聞者此心未與物接之時於此而戒懼焉則靜無不
存矣隱微者善惡方萌之時機人所不見之頃於此
而致其謹焉則動無不察矣靜存而動察則理明欲
盡而體立用行矣陛下兼侍讀時政尚寬有求必予公
言權相當國頗失忠厚而其下奉承又往往過刻改
絃革弊孰不鼓舞然矯枉過正亦所當察祖宗成法
粲然甚明人有所求至法而正苟無其法然後用例
例或未善已不可行况又創例不幾太濫夫不以公
平大正為心而專以苟且姑息為務安得人人而悅

之悅者寡不悅者衆則惠竭而人輕其上矣然陛下
主張乎是而後大臣維持乎是請謁未杜於私蹊僥
倖或出於御筆則聖心猶有偏徇何以責臣下乎初
嵩之去言者乞加竄責既而乞勤致仕度上意堅又
乞候服闋于祠至是嵩之外除百計求復用公言中
外之人皆謂嵩之未至之日無非再求之期此縉紳
韋布所共憂者唐德宗猶能用袁高趙需之言寢廬
祀刺史之命嵩之肺肝莫逃聖鑒宜寢職祠仍與遠
竄不報率同列極論詔嵩之以觀文殿大學士致仕
公憤激與同列再疏又不報乃獨銜密奏陛下必欲

行大觀文之命非特劉克莊輩非敢行辭而猶豫遷延
之間徒使學校之士相繼舉幡兩疏入已二鼓上批
嵩之守本官致仕已降除職指揮更不行虜哨江
北除畫守倍甚悉因奏乞歸田里上再三云未可且
留卿主張臺綱他有當有異擢游丞相 公言陛
下穆卜舊勳偏權樞輔癸開督府辭建帥坦布置一
新疎動群聽然事變難防機會易失臨事能懼好謀
能成者二臣之責而隨宜應變悉力維持者廟堂之
責也上於羣臣中眷公特厚凡所摹畫多見嘉獎他
人唇敝舌腐不能感悟者公雍容一語上必樂從言

龍翔土木煩擾者多矣皆報聞公一奏無數十字有旨停作如住權契罷浮鹽皆公發之除端明殿學士同樞密院事三辭不允差同提舉編修武經要畧封福安縣開國子公登二府無喜色未正謝聞後省有語亟求去其夕奏入詔朝遂行上知不可留除職與郡辭仍舊職與宮觀公以釋重負為幸處之怡然先廬聚族無所容足借居烏石山下歷官祿米與弟妹剖食之幼孤者必挈以行及歸客有為公憂貧者公曰存而魚羹飯食沒而幅巾深衣如是足矣提舉臨安府洞霄宮賜衣帶鞍馬未謝而賜異恩也戊申明

堂進開國伯己酉二月庚子疾革乞執事猶自草遺表語弟官曰上思未報與平生學問未做得上夫可恨爾薨於正寢年六十二少殮苟無新衣除資政殿學士遺表聞上咨嗟良久語經筵官曰朕方欲大用之不料其遽止此聞其家甚貧可念輒朝一日贈通奉大夫公三娶阮氏追封永安郡夫人范氏追封通議郡夫人今薛氏封和政郡夫人男一人旂承務郎某年某月某日葬於某縣某鄉某里公踐履醇實不為表襮議論平怨未嘗刻核善為章奏詞約理盡臺諫指陳多雅責而無醜詆常存餘不盡之意雖嘗為公

雌黃者無忽對心上前議論詞氣慷慨人主信之學士大夫親焉惟前之不樂公者乃謂元杰之怨不申由公德嵩之而然一咏倡之百喙和之世所謂賢者又從而實之夫掌故給札甲科人券內物爾於公何德公不嘗彈嵩之乎其言曰嵩之粧綴邊功以把握陛下之利柄布置姦佞以沮格陛下之賢才以小勤細謹或陛下之聰明以淺効微利益陛下之心術崇私殖貨不知紀極東國如此固天下之所憤怒而切齒也昔王曾慮丁謂復用逮其死而後有喜色曾之存心天下之公心也豈為一身計哉衣冠之榮悴宗

社之安危所關者大矣不然秦檜再相專國為利蔽欺日深鉗制日峻一時流落僅存之賢士大夫幾不免盡殲於其手豈不監哉嵩之無謂檜之才而有謂檜之心謂若不死檜必復來論嵩之者多矣如公此疏了翁誅章蔡之筆也公豈德嵩者乎元杰之死寃則寃矣然倡虛論易鞠實事難使議公者與公易地而當審克之任未知又何以自處乎公嘗佐陳公鞞幕府其後公先登臺省陳公乃名及陳公論三學事偶與公合談者遂併攻之謂公黨陳謂陳公不忿疾史氏然公本非由陳公進陳公者嵩素所媚忌累召

不至上察之矣眾口雖譁上益不信公去西府御史陳求魯論之曰更化以來某若有力排斥嵩之白簡猶在謂陳某陰為嵩地既非平論謂某共為嵩謀某豈能保嵩之不念舊惡乎以疑似之心為揣摩之說宜某之不心服也然其徧歷言路不問豺狼而問狐狸此群言之所以不怒也前既云排斥嵩之矣非豺狼而何所論嵩黨皆給舍侍從臺諫都司也謂之狐狸可乎公屢薦徐著作霖徐論事語多侵公遂拂衣去公奏留之曰柰何以臣故失此賢士昔高若訥劾責已之館職耿南仲仇伏闕之諸生凡人之情自

克者徐於公責之如彼其苛也公於徐愛之如此其至也亦足以見公之賢矣公弱冠時聞嘉興有輔先生者為朱門高弟負笈往見先生館之盡所以聞於文公者傳焉又謁陳先生于北谿多所論質樸浙右二十餘年與蔣公重稱善袁公甫陳公垣皆雅重焉故理學尤粹密每於諫書講卷發之所講中庸一篇上以為理致透徹又曰卿文字平正明白議論忠實切至平生著述存者惟性論仁論緝熙講義奏議若干卷總曰北山遺稿始余久斥嵩去起家使江左或曰公嘗密薦公為人深厚未嘗自言余晚入朝

後林先生集

則石堂

察公果相知者游以家傳來乃詮次之以告太史氏
謹狀

秘閣東巖趙公

公諱彥侯字簡叔宗室秦悼魏王之後自汴入閩今
為閩人少嗜學未冠薦于胄監光宗登極補將仕郎已
而五拔監漕文解今上登極賜進士第歷常熟主簿
鄂州去曹夔州錄參因留蜀十年舉貢溢格始下瞿
塘改秩知安溪縣繼陳公宓之後潔廉豈弟與陳齊
名縣小俸薄公苦淡過甚竭力營太夫人旨甘自食
粗糲而已傅公伯成每言於人曰為陳君廉易為趙

君廉難李公誌為章亦曰貧而廉為尤難去如至尤
不易秩滿就部注兩浙轉運司主管文字歲餘丁文
安憂服除提轄去歲庫坐失覺察吏盜金去國俄
予祠時方挈家抵京負不能歸僑居于雪起判紹興
府鑑湖久湮倅廳猶按舊額督租公削去苛取之例
越人德之暇日必領客觴詠於禹廟蘭亭之間知惠
州陸辭乞令郡邑覈逃絕以定賦入委邑丞專過割
以防走弄既至視嶺海如內地待吏僚如吾民清儉
節縮軍府充實初譙樓頽圯未廉漏濕公始改作鉅
麗堅壯遂為南州偉觀除西外宗正下車未幾改南

季春戊午天宇開霽命弟姪子孫行東巖下暮休
於寢稍倦皆謂山行歸來故爾中宵忽與家人曰吾
遊矣言訖而絕其靜定如此享年七十有一積官至
朝議大夫朝廷未知公卒有詔除直秘閣遂不及拜
公長身偉岸而待人接物極謙厚標致蕭散而於倫
紀忠孝之際至篤詩律琴趣妙一世尤工草聖入仕
餘四十年家無留貲歲脫歸來猶糴而食嘗攝潭帥
所入僅五百千貽書其子曰盡以此得一小金徽
矣小金徽者唐李勉古琴之號也平生不汲汲仕進
立身有本未逆曦之變公在其間大節挺然無污每

戒子弟仕宦守廉勤自有見知者一念欲速心術先壞
矣所居蕭寺洗刷屋後山名曰東岩與北山陳公孔
碩詩文往還最密遂得其篆扁有詩五十餘卷功力
微妙深入詩家閫奧初殿撰公守嘉禾挺身犯難撫
定叛卒全活杭州一城不幸罹禍紹興間雖嘗褒雪
為文俗吏所軋西山真公德秀論次其事以遺公曰
世未有誣於人而不伸於天者彼媚嫉之人能厄其
身於一時不能使天不昌於其後異日自孫及曾接
踵科級奕奕相照於太常名籍中如公者蓋所謂玉
之美瑤而羽之五采者也公娶水福朱氏封宜人弟

兄十三人多以才業聞於世子男三人長璵夫宜教
郎知泉州同安縣甲戌表榜瓊夫宣義郎知汀州長
汀縣丙戌王榜珣夫將仕郎女三人長適新宜州天
河縣簿尉蔡應孫次適新藤州判官杜功綽一未笄
孫男四人時逢將以公遺澤補官時濯漕貢進士二
未名孫女二人曾孫女壹人諸孤卜以四年正月丙
寅葬公於福州懷安縣靈運里桐溪之原前葬屬余
狀元之行念公平生可書詎止於此而余處多出少
有不盡知姑述梗概他日尚屢書之謹狀

後村先生大全集卷一百六十九

後村先生大全集卷百七十

行狀

丞相忠定鄭公

公諱清之字德源世為慶元府之鄞人居邑治之東
齊公未塋鄰焚秦公與兄通議統柩慟哭火為退飛
門有大槐鄉評稱孝悌必曰槐木鄭氏秦公建炎已
酉貢于鄉會元术犯東浙與董夫人皆臨難不屈罵
賊而死嘗詔有司定謚立傳公方當國謙巽未皇事
見史定公所作通議公石章及先儒史公涓壙銘魯
公始居邑之嘉廣橋慶國方娠甌鳴三日不止已而

生公時家頗邊令人亦免乳承舅姑意拊育公同己
子公貴令人尚亡恙事之如母其沒也為服朞公少
以文為宣獻樓公稱賞初名變而字文叔以字行年
十九荐于鄉嘉泰二年入太學定八年升上舍十年
進士及第如豐邑數世之仁大明生於東等賦識者
以方金在鎔有物混成之作後隨群從改今名教授
峽州總領何公炳羅致之模一日軍將將領衣綬絹
紕惡離立諄語總領委公諭之公語軍士曰坐者得
好絹衆皆坐以次公投無敢諱者制帥趙公方嚴重
新許可公往白事為置醴命二子出拜投公無荅拜

不敢當趙公曰公它日未易量願以二子相累蓋
尚書范丞相蔡也湖北茶商群聚暴橫公白總曰此
輩皆精悍宜藉為兵可彌變亦可禦敵總行其策招
刺令下趨者雲集號曰茶商軍至今賴其用十四年
差湖廣總所準備差遣除國子監書庫官十六年
除國子錄史丞相彌遠以私忌飯僧淨普鄞人畢至
獨與公登慧日閣屏人語曰上與中殿為社稷計雖
有濟國公然五六年未正儲號聞沂邸皇姪事俞兩
國恭順客至端重朝謁上常目送今欲擇一講官君
忠實可任此責公遜避不敢當史公曰此先公事業

先公謂太師浩也俄兼魏惠憲王府教授癸未進士
 唱名上御集英中殿御看閣使內侍引皇姪對簾正
 立兩宮意有所屬矣除宗學諭十七年除大學博士
 皆仍兼每講堂退相必邀至東閣訪上舉動言語甚
 悉公對事皆好敬以一言曰不凡相大喜寧宗升
 遐遺詔上承大統是夜惟召丞相入定策時政府翰
 苑未及知詔旨皆定公手太后趣上入官公命子士
 昌易衣道綠蓋車至沂邸進發公留相府之眉壽堂
 處分諸事明旦丞相退朝輦下纖塵不驚六軍北民
 仰瞻日出咸池矣上龍飛除諸王宮大小學校教授

除宗正丞兼權工部郎官兼崇政殿說書公自橫經
 未即至開卷丹地每以二帝三王之行事六經四書
 之格言反覆開陳上必敬聽一日上問外人因閣子
 庫進然鞋有謗議公奏有言禁有服用頗事新潔者
 上曰舊例月進鞋數兩朕非弊不易何由致謗公奏
 孝宗繼高宗故儉德易彰陛下繼寧考故儉德難著
 寧考受用如寒士衣領重弊革焉屢補今欲儉德著
 聞須過於寧考方可上欣受其防微如此寶慶元年
 改兼兵部兼國史院編修官實錄院檢討官除起居
 郎仍兼史官說官兼樞密院編修官二年除權工部

侍郎暫權給事中除給事中陞兼同修國史實錄院同修撰紹定元年除翰林院學士知制誥兼侍讀陞兼修國史實錄院修撰授端明殿學士僉書樞密院事三年除叅知政事兼僉書樞密院事四年兼同知樞密院事公在樞筦李全以山陽畔陷秦園楊國論猶為揜覆又欲易置江上制總全所不樂者以慰其心公手書白相因全一申去岳遂趙是朝廷之王人國家之帥守悉聽命於全矣全以盜賊藍縷奔竄之餘陸梁跋扈如此曾無一人正色以議其罪國無人矣初海陵夫守公早朝見薛葛袁三人皆愕然未知

所出公曰平時與全為敵者不過三趙若以趙沿江為江淮制使以二趙分帥兩路必能合力捐身以當之須即日處分稍遲賊入維揚大事去矣三人者唯唯同至上前奉之上深以為然云當即批與丞相奏御批須是以社稷存亡在此一舉苟不用此三人或有疎失過不在朕上領之既退知御批已至相府然至晚無所施行公轉扣相子宅之從更憂懼待旦四鼓後知繳入黎明出命朝野歡呼知賊不足平矣既而三趙受命善湘移司金山與范蔡聲勢聯屬全果授首當是時此賊挾精卒十萬氣吞江表相老於謀國

工於應變無如之何公以一書生獨謂全反形已露當聲罪致討為誓不與賊俱生賊以諷及討叛語下出公之筆讀者咸奮六年史丞相薨十月制授公右丞相兼樞密使提舉玉牒國史實錄院會要勅令端平元年提舉經武要略上始踐祚東朝垂箔一相總職垂拱仰成而已天下事皆上尚書裁決而後奏御畫旨謂之尚先行習以為常久之上益明習國家事而宰府終未稽首還政既相舉大阿倒持之柄歸之於上一二大黜陟大因革獨斷赫然咸曰英王出矣上方欲洗濯三十年積弊公亦慨然以天下為

惟忱布公知無不為贊上召老成拔滯淹真公德秀魏公了翁崔公與之李公壘徐公僑趙公汝談尤公焞游公侶洪公咨夔王公遜李公宗勉杜公範徐公清史袁公甫李公韶或奮閑散或起遷謫或由常調莫不比肩接踵於朝衆芳翕集時號小元祐大者相繼為宰輔餘亦為名公卿惟崔公終始辭不至遺逸如劉公宰趙公蕃亦見旌異用一人行一事朝野忻朴以為快活條貫先是言者率親望廟堂風旨公首草副封由是臺簡始有攻時政闕失者時金亡韙興襄閩首圖上八陵上下其議廷紳多主王羲之孫綽

之論然邊臣鋒銳不可逼偏師出境捷書系道而三
京已返旆矣舊法三衙禁旅歲一揀汰癸巳以史相
薨失舉行甲午併兩歲一揀被汰稍衆又承旨司拘
等仗法太嚴卒有失伍者隨已帖息而不樂端平者
有開邊激變之謗二年五月六疏乞罷機政御札勉
留六月制授特進左丞相兼樞密院使提舉國史日
歷玉牒勅令經武要略三年八月以霖風四疏丐去
九月以禋祀雷變請益力授觀文殿大學士醴泉觀
使兼侍讀四疏控辭依舊大學士提舉洞霄宮公自
初爰立首以清苦變貪濁痛却餽遺雖族戚杯羹壺

酒不許人薦廉吏徐澄趙巖大十朝聞者興起諸郡
多於節序饋朝士酒公奏遇節序視品秩高下賜酒
有差至今行之閩及江浙多士之郡各增解額由是
士安里選創新進士覆試之法真才有以自見售偽
者時斥一二以風勵其餘中間欲廢不行後卒如奮
大節細行有陸勢揚縮之風卷懷而去未嘗一語辨
誣退居聞邊聲復動恐上顧憂密疏上曰辛巳金階
斬黃寧宗非啓敵之主辛卯韃犯襄蜀彌遠豈開邊
之相不制患於方來但尤追於既往則斬黃襄蜀之
援開之者誰乎為此誰者蓋疑閑冷或簡眷懷每因

事以提撕蓋迎前而沮抑以羅織使令廢銅子姪貶
斥賓友為未快必加以誤國之罪臣非敢以此自辨
恐陛下憂悔太過以泊清明之躬累剛大之志爾嘉
熙三年封申國公四年遣中使賜御書輔德明謨之
閣賜楮十萬緡為經始費槐木舊居兵燼無廢公損
賜金貿故趾加葺治於里第北營小圃曰安晚取安
步當車晚食當肉之義上書其扁蒔花移竹疊石引
泉與朋友嘯咏其中者九年尤愛山行輕車小艇名
山古剎如雪竇如太白如翠山雖在萬山中亦至焉
率留信宿上過群臣於公特厚每初度必親御翰

墨或聖製或古作貞草間出精畫重錦奇畫佳茗間
以老人星大士像為壽歲以為常雖在外亦遣黃門
就賜淳祐四年御筆依前觀文殿大學士醴泉觀使
兼侍讀屢辭不允拜少保觀文殿大學士醴泉觀使
兼侍讀進封衛國公令赴天基聖節上壽班命守臣
以禮趣赴闕帥守趙綸致君命乃就道抵江許有旨
宣問庖廩酒菓使蕃雜選內引玉音委曲不啻家人
唯諾奏乞懋傳法寺以待稱觴先已得旨賜第退至
傳法拜御筆曰卿去國許時精神氣宇勝前奏對詳
明良用忻懌政賴啓沃以助緝熙中使押入賜第五

年正月上壽畢六 不允以春秋徹章拜少傅依
前觀文殿大學士醴泉觀使兼侍讀進封越國公居無
何哭子士昌出館江許決意東歸上不允十二月拜
少師奉國軍節度使依前醴泉觀使兼侍讀越國公
特賜玉帶及更賜第於西湖之魚莊公雖勉為上留
然歸夢相相見於篇詠進讀仁皇訓典謂仁祖之仁
厚發為英明故能修明紀綱而無寬弛不振之患孝
宗之英明本於仁厚故能涵養士氣而無矯勵峭刻
之習蓋仁厚英明二者相須此仁祖孝宗所以為感
也御札褒諭六年四疏丐歸不允八月進讀畢賜晏

內苑上御黃繖命以御青繖同行苑中謂公曰忠孝
嘗晏史浩於此然浩未嘗侍天步游覽故事上賜玉
龍極賜大臣則易極上命毋易極其尊寵如此是日
御前有金瓶貯丹桂上以公老夫婦共家子慰勞甚
至賜瓶花以解憂公進感恩詩八十韻上俯用其韻
七年三月以禮記徹章拜太保力辭舊比許回授子
孫上從公請追封高祖詒太保異恩也四月拜太傅
右丞相兼樞密使越國公提舉國史實錄會要玉牒
勅令經武要略公方與賓客放浪湖山寓僧刹竟夕
不歸紹熿及 莫能以所之告詰旦內引叩頭

辭日端平初 下親政臣齒未衰尚堪挈力仰贊聖
謨然猶有智慮所不及者仰贊保全今迫桑榆久在
田里於人物國事皆不諳悉若冒昧承命必誤委寄
玉音勉諭蓋有外間所不及知者甫退則中使已接
踵矣嘆曰上眷如此將所何逃乃入治事或謂更化
改元為再相第一義公曰改元天子之始事政化朝
廷之大端漢事已非古然亦不因易相而為之其
老成定慮如此上以邊遽憂形玉色詔趙公蔡以樞
密使視師陳公韓以元樞帥湖廣二公謙巽未敢當
會公再相力主其事科降辟置荅敏于響二公欣然

勇往丁洙泗水之捷渴口之捷木庫之捷皆處置得
宜之效諸閫申請割時奏啓時謂張仲孝友惟公足
以繼之公九年於外納污藏垢人意其有磊隗不
平之氣見之施為公殊不然不立異不私已除授進
擬必咨同列必參公論朝士有累遷而未見面者或
曰恐非吐握之哉公曰某人同列所敬某人同列所
譽豈欺我哉吾惟得人以布周行足矣何必攬為己
恩先正問東廳問西廳吾所師也篤大學燈牕之舊
分賜金齋金以前相待經幄還齋亦束帶序齒學
廚日給錢及楮析有司固執元數齋鹽不給公

命增

監學歲久頽圯

成請修廢舊取辨尹

漕

給錢於朝命尹漕董其役丹艘一新九年

太師左丞相兼樞密使提舉國史日歷玉牒

經武畧安辭太師不拜使前太傅每謂天下之

養兵兵費困於生券思所以變通之過調

屬量遠近以便其道涂時緩急以次其

費省三分之一又議移歲調兵屯以戍淮

頭目以節廩稍先移鎮江策勝一軍屯泗

于彼公私便之惜乎去位而未盡行也諸

歷兩浙尤多丁稍吏卒往往破家以償公

作姦犯科者遠理稍里誤者一筆勾去之全活甚眾

松江弄舟之賦素重空無一物猶以力勝計公次第

停罷如池之寫議有大法場之日其錢分隸諸司公

奏罷其並緣魚取者蓋數倍公家之入合分隸者從

朝廷償之報下公與客飲舉杯曰今日飲此自覺快

活其軫求民瘼如己疾痛督府先取江東西湖南北

利源不在官者以佐軍費反結局詔歸之大農公擇

才使之提領於外歲入不啻鉅萬佳印會子者三年

京尹焚毀舊會七千萬版曹亦豐衍三數年間邊閩

科降未嘗匱乏四疏乞謝事十年進十龜元吉歲一

符歌二典 崇儉四 行五能定六明善七謹微
八察言九惜時十務實蓋取 卦六五爻十朋之龜
弗克違元吉釋者謂以柔居尊而不自任故可以收
衆材之助所以為元吉也奏札略曰詩曰敬天之怒
書曰敬天之休臣謂敬天之怒易敬天之休難未飢
火旱天之怒也時和歲豐天之休也天怒可憂而以
為易天休可喜而以為難何哉蓋憂則惧心生惧則
天之怒可轉而為休喜則玩心生玩則天之休可轉
而為怒既奏甚稱上旨宣付史館又賜詔獎諭十一
年十疏乞罷政皆不許進讀光寧兩朝寶訓今上曰

歷會要玉牒淳祐條法事類俱拜太師皆力辭九月
明裡相禮有旨閣門給袂掖二人是夕三上奏辭不
允禮成御筆褒諭再賜玉帶令服以朝十一月丁酉
公奏事退感寒疾前一日尚賦梅花詩與同列倡和
及是絕食餅藥猶以未得雪為憂俄大雪公作而曰
百官和雪上必甚喜命搗雪床前觀之奏奏乞罷不
允奏不已拜太傅保寧軍節度使充醴泉觀使進封
齊國公提舉史館疾革乞致仕拜太師保寧軍昭慶
軍節度使依前齊國公致仕 甲辰薨於丞相府
公生於淳熙三年九月辛未享年七十有六遺表聞

表上震悼輟朝三日御筆贈尚書令追封魏郡王賜謚忠定娶謝氏特封魏衛國夫人男子一人士昌朝散大夫竇謨閣侍制先公六年卒女一人特封碩人適故朝散郎大理少卿史望之孫男三人大有某官大節某官大節某官大有等以寶祐元年十一月壬寅奉公柩定於鄞之豐樂鄉東山之原公四登宰席先後八年啓沃帝心暮圖國事關於安危理亂大計者不可勝書然奏藁無片紙存者每曰陛下神聖群臣莫及事有當言轉移於造膝附耳之際足矣陸敬輿奏議雖贈炙人口吾不忍為也昔藝祖有宰相須

用讀書人之訓及公宅揆朝野皆曰上用真儒矣自塲屋之作至宗廟朝廷典冊之文莫不精妙傳者紙貴然散落未嘗收拾雖玉堂制草家無副墨所存惟錄潛卽聖語及表奏啟劄詩賦歲銘贊偈記序跋策問疏致語醮詞謚冊墓碑祭文等共六十卷藏于家公之初相也真趙掌制也世以為真學士洪王入臺世以為真御史天下所謂端人正士不在經筵則在從橐不在西掖則在東省上語公嘗上書者比卿司馬光公曰毀譽何常之有今日聖意嚮臣故譽臣朝曰聖意厭臣則必毀臣矣上為一笑其再相也

端平遺老周謝十無一二新貴各立門庭分黨與公雖素有主眷尚操化權然人情固已陰懷向背無同舟共濟之意矣公拔士蒲朝施惠於人無德色士或先從後畔亦待之如故然天下至廣豈無偶遺之賢未悉之髦自昔人物會通之盛莫如元祐而鄭俠老死田里陳師道晚方入館未聞二賢觴望於馬呂也彼以躁心而致宰物者之憾可以觀世道矣公何嫌焉湯中仲能論事侵公不自安求去公曰已欲作君子使誰為小人力勉留之徐公清庾嘗論公引之共政趙公葵視師年餘乞結局上欲允之而未有以處

公曰非使作相不足以酬勞陛下豈以臣故耶臣必不因葵來便引退臣願為左使葵居右上乞從之其茹納如此然趙公竟不果來又奏今內外之臣俱天下之選前後昆命皆聖斷之公非成則璜不疑何卜有丙與魏請擇於斯惟能共起於治功矣必皆從于己出其不吝權寵如此公雖貴自奉蕭然非以位為樂者直以事上潛卹君臣義重上既苛留不忍決去耳對客每歎甘盤遊野䟽傳還鄉之不可及其意深矣蓋丙申代公者喬也辛亥代公者吳謝也公去矣薨矣喬吳謝行乎國政宜有以愈於端平者而皆

不然何哉世之愛公者往往惜公再出然公庚戌乞身之疏固嘗去稟性拙直無委曲籠罩之術事力儉薄無納交要譽之資施恩而不市恩故背之者以為常任怨而不報怨故仇之者無所忌又曰召謗納悔一己之利害輕梗事敗謀國家之關係大昔謝安矯情姚崇權譎呂夷簡操術居是職者可專任拙直哉凡數十疏皆然寫心事之精微極筆力之高妙不辨流言於一時而付公議於千載後之攬者必有感於斯文矣公奮身儒素族多隱約公為侍從月分俸均給或值乏絕稱貸以繼覺際庵舊約諸位輪祀至公

身任其責即庵別社大堂可容百人几席器皿悉具率於禁煙行之酒肴蔬菓必精潔居官或疾病則飭子姪主祭初魯公規壽藏于塔嶺夢嶺對岸百堂扁以金書常充達三字擁以蟠龍作紀夢長句筆之于冊既卜穴宛然夢境時公猶未生及稍長魯公語公曰蟠龍金字豈非御書之兆勉之越三十年上訪家世公以夢告果賜奎墨輝映山谷與手澤所書如合左契公久秉鈞軸高下在手然不以右器私親昵莫愛於子而士昌生前止通直奉佑神祠非但公不私其子 恩亦恥為恩澤侯莫親於婿而史倩生前止

後村先生集卷百七十
俸貳需次微守公不欲使倩領郡改奉祠釐公小學
於迂齋棲公昉以端平初褒崇為未至再相奏國史
浩繁難披閱臣之師臣昉嘗纂十朝撮要頗精覈上
令寫送官又奏房魏過主無一語及河汾殊為忘本
及撮要進御棲公追贈龍圖閣待制其於在三之義
如此公葬十年魏衛國謝夫人年八十八年貽書箚
田劉克莊曰先忠定宰木已拱而未有狀其行者今
以此筆屬子克莊仲弟克遜從弟希道少肄業特志
侍公筆研克莊宰建陽烏臺方吹洗詩案懼不免禍
公在瑣闥獨御史丞相為解紛克莊獲為聖世全人

公之賜也既嘗

張洽陳振孫范炎陳祐俱召

富一再遷為樞掾者即皆公進擬公策免克莊亦流
落於外內午入為少蓬兼西掖不久生留 免去公

以孤卿國老之重小車訪別逆旅慨然曰子為道卿

吾為承君矣公再相數歲克莊銜恤三年白首再召

覺國論愈矛盾鼎味殊酸鹹公決去雖勇上勉留愈

堅固對為上言紛紛之議不過責難於吾君責備於

吾相非有他意政當容之爾自知其論濶於事情然

區區之心上欲將順明主之尊師重傳下欲解周召

不說勉夔龍之相遜而已而或者怪其不能隨聲接

響訶佛罵祖群起而攻曰是黨相者克莊謂惟去可
 以自前六乞祠兩納祿皆不報公由是不復敢相親
 猶摯維不使去不數月而斤斤未幾而公薨然天下謂
 知我者必曰安晚公與人書疏亦以鐵漢見擬嗟夫
 宰相必拔士士必不畔知己情意之常也若一旦去
 子宣而戀元度之恩波迎子厚而詆微仲之相業乃
 風俗之變豈情義之常哉公門生故吏滿天下而兩
 國不遠數千里番番於一哀癘之叟托之以發潛闡
 幽之任豈非以其寗久故知舊事已退老無諛筆乎
 乃撫實書之以告太史氏謹狀

後村先生全集卷之一百七十一

疏

啟建天基節 以下密院三首

秦臘傲臨將及春回之候夏正甫建有開震出之
 祥敢傾葵藿之心仰祝椿松之算伏願 皇帝陛下
 壽齊箕翼福等岡陵崑丘王母之桃靡煩來獻海上
 安期之棗不必遠求

滿散

春王正月方欣木德之回天子萬年式慶蘿圖之永
 聲輿情之懽忭祝睿筭之延洪伏願 皇帝陛下如

日之升體乾之健幽人為酒告農扈之屢豐都護奉
觴喜過烽之奄息

進功德

吳蒼眷命聿開王者之興臣子愛君均願聖人之壽
輒憑善頌仰贊脩齡恭惟 皇帝保大定功無為共
己大德者名位必得光紹鴻圖善治則福祿自來駢
臻景貺

黃籙醮 以下表州七首

地方千里忝為長史以分憂帝監四方敬為齊民
而請命瞻言斯士粵自比年繭絲哀敝之餘里閭愁

歎羽檄征求之廣郡邑空虛顧剖竹之非才稟芭桑
之是慮茲以農時方急衡夏初臨欲令蠶麥之宜全
賴雨暘之若仰祈穹昊俯念蒼黔感名豐登之祥被
除乖盪之氣咏京坻之積異保秋成薦沼沚之毛尚
期歲晚

謝晴

民力農桑方患積陰之慘吏憂蠶麥願聞霽色之祥
蒨燎方騰氛霾已豁敬羞蘋荐少寓菲忱閉陰縱陽
薦尚有祈於終惠剗雲縑雪庶無廢於前功

祈雨

天瓢下注僅施破塊之功火傘高張未改雲霓之意
輒伸微忱冀續前功伏願念民作勞怨吏亡狀時方
多事豈容早魘之蓄歲大有年庶保農夫之慶

再祈雨

穡寶垂成預喜千倉之積魁金為祟深虞一篲之虧
豈上澤壅而不流故天遣示而未已恭願於民凋瘵
憫物焦卷收火繼於層空一清濁暑翻大瓢於四野
沆保豐年

仰山祈雨

耘耔力勞田共憂於 神通功大淵能起於龍潛

粵從春夏以來方幸雨暘之若三農相慶一捻
甫涉初秋頗衍甘霖某昔無吏責此心尚願於豐
今忝郡符詎意親逢於早歲千里但聞於愁歎
如處於焚煖輒懇惻而有求仰威靈之如在恭願
其丹赤哀此蒼黔雲密自郊壹洗屯膏之意月離於
畢早符喜雨之占

送仰山回殿

盱蠻下臨俯鑒堂避之敬滄沱隨至暫寬守土之憂
益知仙聖之神通敬率吏民而餞送然以四封之廣
僅沾一溉之 少廢前功寧不嗟於虧篲如大蘇

後村先生全集

卷二百七十一

後村先生全集

三

易見堂

復林先生集
眾望尚有冀

再祈雨

方千里之地所望有秋七八月之間豈容久旱僅天
意尚慳於嘉應則歲功將敗於垂成恭願驅斥魃妖
憫憐農務則苗稿矣深懷無極之憂以雨潤之庶拜
有終之惠

安奉玉淵聖水以下江東三首

大田多稼將立見於焦枯九淵潛鱗忍未施於涓滴
詣名山而虔請即靈瓚以精祈伏願憫旱魃之流行
奮泥蟠而變化自膚寸雲而起俄滿太空以一勺水

之多溥周大地

永寧寺祈雨

七月流火不勝亢烈之憂三日為霖未慰滄沱之願
茲精意亦勤於祈禱何神機尚闕於杳冥伏願隨念
感通乘時變化沛然下雨儻獲救於稿苗乃亦有秋
庶無辜於力穡

謝送玉淵聖水

一勺之水不測而龍生焉七月之雨沛然則苗興矣
頓解羣情之煩鬱孰知妙用之神通乃卽拈提敬陳
梵唄然四境無煩於轍涸顧三農尚恐於簣虧寶穡

得秋方屬收成之際靈湫奮螭特霑膏潤之恩

代追薦魏國迎羅漢

善女人過去生中尤精勤於釋典阿羅漢大神通力
或游戲於塵寰爰集縑流敬修若事伏念臣外姑魏
國蚤全覺性偶應俗緣徧更晚歲之顯融不改平生
之澹泊盡空諸有龐媪曾去參來向上一機趙州亦
遭勘破高年解儷大數奄終感託女之恩深念館甥
之誼篤欲伸微報僅有追嚴尚望同發慈悲各施方
便來飛金錫證明生滅之因去度石橋指點虛無
之路

接茶

殫歌悽咽浮生如露之晞茗事莊嚴散聖乘雲而至
憑茲妙果拔彼沈魂共攜曹溪鉢來喚取趙州茶去
一旗試水豈獨中濡之泉甘六椀通靈未覺五臺
之路遠

為二姓追薦惠州弟設靈官齋

窮而無告感雨露之既濡幽則有神挹潢汙而可薦
庶憑精潔少答劬勞仰瞻上界之仙靈迴向陰間之
主宰雖手閱有三百片然烹試無第一泉辦香自洩
具哀鳴寸念莫通於冲漠莫羨竟陵水曾入品來何

處蓬萊山欲乘風去

天基聖節功德疏癸亥

生高之祥方開休運祝堯之壽必伏殊因繡寶笈之
祕文介瓌旒之景貺伏願 皇帝陛下法天之健猶
日之中河清應期過千載之一萬高猷瑞呼萬歲者
三重混車書益線基祚臣嘗塵雍從猶抱畝忠禮西
方僊證成於上果現南極像永錫於修齡

又甲子

聖主岡陵之福固不待祈賤臣畝畝之忠未忘歸羨
恭惟 皇帝陛下興中天之業被輿地之圖寡欲清

心心釋 色空之說修身治國寶賻書慈儉之言屬

臨震夙之辰式軼秦 之社臣滿懷芹曝稽首篆烟

壽八千春莫側靈楮之算坐六十劫信如貝葉所云

火行

德疏

億年敬天之 方開壽域千歲厭世而去遽返帝鄉伏
釋老之殊因瀝臣民之哀籲恭惟 大行皇帝

亨國遠同於仁祖建儲近法於高皇設虛待賢轉圜
從諫未明已求衣而起宏濟多難一日不負宸而朝
忍聞大漸皇天弗吊幸土震驚臣嘗塵 索之聯永
茹烏號之痛欲伸寸抱爰假瓣香西方有聖人既超

離於浩劫南面聽天下向垂裕於後昆

穆陵中祥乙丑

完藏廟祀已叶禮經火改穀新修臨練祭莫報聖知
於既往敬憑願力以追嚴恭惟 烈文仁武安孝理
宋皇帝非心倦黃屋之勤厭世乘白雲而去神棲禹
窆空悲方劍之遺上服堯喪尤切美牆之見三宮在
疚萬國銜哀臣早事軒墀老歸衡泌寸抱未忘于丹
赤瓣香爰伏於緇黃昔道家言谷神之若存內典謂
金身之不壞梵王釋帝導為方外之游文子湯孫奄
有域中之大

穆陵大祥丙寅

在天之靈仙遊寢遠有時而既禮典告終仗佛氏之
勝緣觀云仲堯民之餘慕恭惟 理宗皇帝丕烈中
興於大業沉機豫建於元儲雖英辟作新威仰握符
之盛然老臣懷舊豈勝嘶樞之悲已迫桑榆尚羞蘋
藻伏願掃空諸有筏渡衆生稽首西方既超搖於浩
劫共已南面永啟佑於後人
觀上同伏鴻基過曆鶴馭搏扶乘雲而至帝鄉消遙
願以下云上界賓日而出賜谷啓佑後人
乾會節功德疏有旨免進

書元年春 出震乘乾之運願聖人壽誰無望雲就
日之心既乞身退 於山林猶稽首皈依於仙梵恭
惟 皇帝陛下法天之大若帝之初雖歷教在舜之
躬心焉同載 羨鳩則堯之見禮或未皇 聞嵩嶽
之呼寧緩鈞天之燕 臣殘骸木稿寸抱葵頌持一瓣
之寶熏祝九重之睿筭上古椿八千歲 之所
知雲銖華五百年歷曠世而一現

又丙寅

祥開赤伏欣逢聖作之期序廟朱明適繼佛生之日
敬羞蘋薦欣祝椿齡伏願 皇帝陛下如日之升則

天之大方長壽佛筭等河沙南極老人星數綿算
翼

又丁卯

奉玉卮壽漢隆長樂之儀獻金鏡書唐紀開元之節
敬拈一瓣慶祝萬年恭願 皇帝陛下離照並明乾
剛獨斷佛坐六十劫饒益等於河沙時書五千言長
久同乎天地

又戊辰

九龍吐水皇宮開初度之祥一馬渡江真主拓中興
之業慶書丹朱借助緇黃恭惟 皇帝陛下謳歌

之璧教彼在食海上安期之棗培植仙根獻昆邱阿
母之桃綿延聖算

壽崇節功德疏 丙寅

母儀天下燕怡綿萬壽之期王大域中崇奉極九重
之孝敬羞蘋薦仰祝椿齡伏願 皇太后殿下為宋
姜任真女堯舜灑補院之瓶柳大地均霑獻瑤圃之
梓桃後天難老

又丁卯

祥協佛生鴻號甫膺於寶冊恩深母育龍綃新奉於
玉卮俯陳率土之情仰祝後天之算恭惟 皇太后

殿下守長富貴推大慈悲坐妙善補陀巖凝然不動
觴阿母瑤池上樂未渠央

又戊辰

聖人之孝何如聿嚴崇奉昊天之神德欲報矧值誕彌
欣際千齡敬薰一瓣恭願壽和 皇太后殿下道更
尊於欽聖德莫盛於宣仁乾元坤元所謂大造化者
釋氏老氏非若小陰果然

脩協應廟

川瀾回於既例開千萬世之利源廟貌粲然而威昭
二百年之缺典惟木蘭之一水由錢李之兩賢始則

善女人沉淵上懇于帝繼有長者子捷石 為之防
雖水旱無乾 之虞化瀉酒為膏腴之壤尸祝社稷
之可也山川鬼神其志之淑熙寧之闕宮揭淳祐之
勅扁一新輪奐尚賴檀那清揚婉兮恍如覲美人之
面明德遠矣至今思似氏之功敬聽斯言共成此段

重建龍埔廟

神明聰正直而行猶莫逃於劫火民水旱疾疫必禱
將復作於闕宮既撤舊規模而更張須藉大檀越之
隨喜龍埔古迹乾德始基綿歷十四朝絲綸寵甚血
食方千里香火赫然不料融風忽乘危數坐使百間

之金碧悉為一炬之埃煤孔蓋翠於已登天而變化
椒漿桂酒未有地以薦陳卜人獻龜食之祥梓匠圓
翬飛之勢念靈光殿昔周敷里柰戴接門今沒一大
所望鈴齋琴堂潭第甲利倡以公家之朽貫頌其私
索之賜金純白裹成於聚毛九層臺基於撮土君之
惠也神其志之化鶴歸鄉覺城郭人民之如故乘駒
入廟樂春秋朝暮之出游起一文沒一文甚戴接門汴京舊語

龍埔廟緣茶供

神君以血食一方將經營於靈瑣上座真講師三昧
能開悟於大檀木論山河大地之動搖立見廈屋間

之穴兀衷多益寡各携淵材錢來隨喜作緣共啣趙
州茶去相梓人之輪奐資佛子之舉揚

重建九座山太平禪院

四百載叢林不幸值阿修羅之厄數十萬戶大郡豈
無辨靡訶薩之捨心輒携兩空拳而來異垂一舉手
之援昔咸通除有正覺師安禪於毒蟒吻中相攸於
靈爇指處覺性不滅舍利之浮圖猶行至人所居畏
壘之尸祝未已孰云寶刹遽化劫灰深山之樵木興
嗟法筵之龍象悲泣空誦杜陵之句何時得見千萬
間恨無澄觀之才掃地便高三百尺惟香遠乎四方

境矧檀信布於數州使龕中老師無把茅以蓋頭而
庭下學人有大雪之平膝諒仁人之動念與佛祖而
作緣庶幾煨燼荆棘之餘復覩金碧輪奐之盛華封
人祝帝堯壽永膺歷數之歸長者于此世尊身必享
人天之起

重建嶽廟

古祭不越望分墊雖殊嶽峻極於天威靈甚遠蒲雖
徧壘帝有闕宮陋矣數椽簡儉之規歛然一城崇奉之
意卜云其吉佯來以圖前法魯慶元仰稱袞旒之
貴後營齊栢寢亦惟莞簞之安外故高大之門閭旁

列幽陰之官府方將考室而築百堵未易捧土而基
九層必大檀辨喜捨之心庶新廟有落成之望朝金
錢之輻輳夕輪奐之暈飛旅于泰山非數數然致福
者留此靈瑣如洋洋乎在上焉協助勝緣永為壯觀

重修水仙廟

至人厭世去凜然如生神官與我言叩之必應闔郡
皆知於起敬闕宮胡可以不嚴勅封嘉應惠利候自
西京着父子之英靈及南渡受國家之封爵雨暘輒
禱香火相承世傳淮南上昇至於鷄犬帝命巫陽掌
夢瞭若著龜然藩坦之茨堅缺殘戶牖之丹青漫漶

古栢已老槐花將黃紛然懷一辨以卜榮枯誰肯出
隻手而新輪奐豈無吉兆得於羊胛熟之間必有異
才起應龍爪紅之識更頑好事共辨肯心

聖壽寶國院重建佛殿疏蕭水部所劄

莊嚴古刹夫誰無奉佛之心扈從勳臣以此為祝禱
之地儒墨之設教雖異臣子之歸美則同維古翟曇
道場鄰老辟支坐處至今蒲拜者宿能言蕭寺因緣微
利福田非韓愈氏之意錫名資國寓華封人之忠幾
閱星霜半成瓦礫水部之規模好在雲孫之輪奐美
哉寶殿一新叢林改觀老漢和声而讚歎大家協力

以圖成現宰官身元革宗於東海願聖人壽等椿筭
於南山

後村先生大全集卷之一百七十一

後村先生大全集卷之二百七十二

青辭

袁州入宅

忝收民之重寄朝命雖榮違將母之初心宦遊奚樂
潔蠲公宇重拔醮筵將祈千里之蒙休豈特一家之
徵福伏願監臨惻愍界錫福祥田里相孚声永銷於
愁歎庭闈雖遠書常報於平安

廣東入宅

起家一出甚矣勞生來傳載馳幸而善達輒陳惻素
冒叩昊蒼伏念臣久分退藏忽叨臨遺白頭慈母老

老慈家山黃吻外兒疾留道路雖百指檀藥而無恙
然寸心隕穫而靡寧茲撰剛辰將趨公宇爰舉袞除
之典冀垂覆博之仁共願憫此艱勤錫之福順新書
方急若為寬比屋之歎愁萬學云何夫豈在全家之
飽煖誓殫薄力仰答厚恩

江東憲入宅

重趺而來頗厭舟車之役息肩云始方知棟宇之安
敬練剛辰俯陳厚悃伏念臣退藏不密浪出有慚將
母晨昏既違此志全家飽煖亦獨何必况以諸生力
量之輕任茲一道耳目之寄何以慰士民之望何以

報君親之恩屬臨淮之初爰舉袞除之典伏願辨鄉
上格飈馭下臨拔臣孤危之蹤開臣平反之智獄無
冤氣不至于陰陽之和家有安書庶少寬書溫之念

袁州祈雨

窮則呼天既禱祠之徧舉嗟而求雨庶號顛之上聞
謹紳綠章冒陳丹悃伏念臣承流亡狀致早有端戰
戰兢兢甘一身之即譴炎炎赫赫顧千里之何辜或盈
澮而復乾或閤雲而不下此念未通於幽顯胡顏可
見於吏民輒為四邑之生靈上訴九閭之主宰伏願
曲垂帝監深憫輿情川澤氣升速覩翻瓢之快田疇

水足少休抱饗之勞

江東祈雨

嗟我農夫苦亢陽之為沴惟皇上帝忍膏澤之尚屯
俯陳休惕之情仰竇穹窿之聽伏念臣自入疆而來
訪知編戶之創瘡數口之家鮮能宿飽一年之計尤
仰早收方彌望以如雲忽兼旬而渴雨深恐了遺之
黎庶下能自振於儉荒惟暑氣之蘊隆欲流金石彼
厚田之秀實將化堇荼列城若處於焚棧近境纒蒙
於霑灑儻愜後惠必廢前勞合一路之哀嗚叫九閭
而上訴伏念矜其誠至賜以感通若潤澤之敢不盡

微臣之職俾滂沱矣庶幾全大造之功

太淑人保安庚寅

小人有母一疾甚危皇天無親至誠可感仰戴生全
之造俯陳喜懼之情伏念臣等母淑人林氏晚晚年
齡沉綿春夏醫師迭試莫知補瀉之方兒女滿前忍
見呻吟之狀遂於中夜密禱上穹願減微臣之年以
延慈母之算寸忱既徹諸苦頓輕然餘恙未之盡平
顧大恩無以少報敬羞菲薦推謝高真恭願吉曜臨
身灾躔退舍蠲除熱惱不煩萊石之功降賜福祥永
保棟樑之壽

太淑人生日己丑

桑榆迫暮深羨於久生蒲柳望秋不期而先悴輒陳
卑悃冒瀆高穹伏念臣妾坎壈百罹侵尋七袞雖筋
骸無恙尚可支吾然歲月如流不堪把玩敬因初度
式按真科伏願飈馭下臨瓣香上格循蘭陔之養永
遂團戀保棟柱之年終逃天伐

又庚寅

我生之初恍如風昔年運而往寢迫暮遊伏念臣妾
累月呻吟闔門驚悚訪醫問卜慄乎性命之憂起死
迴生大矣乾坤之德茲逢誕日謹按真科庶憑方寸

之微誠少谷再生之洪造恭願坎離交濟火宇退躔
雖及老既衰非復威強之日然踰七里八莫延耄耄
之期

又辛卯

質如蒲柳甚矣易衰年在桑榆慄然可懼運即始生
之旦輒伸善禱之情伏念臣妾少頗艱勤晚即沒白
身多蓄疾豈能無性命之憂家素清貧未免有兒孫
之念儻不皈依於大造若何全護於餘齡伏願鑒此
精誠錫之壽嘏懷鍼橐艾不勞方劑之施戲綵含飴
永保團樂之樂

又癸巳

數平生之善未有纖毫過本命之年又踰一紀忽
載臨於誕日輒默禱於高穹伏命臣妾久矣延殘偶
然老壽諸兒無似俱忝宦游薄業不多屢逢歲稔未
及祈禳而災退靡煩湯熨而疾平適當禋祀之年將
竊鄙封之寵非元化施生之妙何暮齡僥倖之多敬
瀝微誠仰于慈造恭願蠲其美疢介以嘉祥疏湯沐之
新封已慙稀濶微桑榆之晚福更祝期頤

太夫人生日戊戌

暮景婆娑檠檠標檠之無用上穹高邈幸蘋藻之可羞

伏念臣妾叢爾餘生履滋初度歲年冉冉曾無卻老之方
兒輩駸駸浸有惡盈之懼倘非自天之保佑曷延過
隙之光陰伏願介以壽域原其灾厄金篋剗醫令舊
觀之復還石窳疏思異新封之屢啓

又巳亥

年既暮遲屆始生而有感天雖高邈幸一念之可通
伏念臣妾八表侵尋一門忝竊無關心之葉裹有繞
膝之班衣茲逢禋祀之期將啓國封之寵曰貴曰壽
覺取數之過多欲安欲生豈常之能免爰齊心于
誕日敬稽首於高恭願降賜祥蠲除灾厄旨甘

無關永相保於蘭陔瞻復明初不煩於菊枕

又庚子

皓首衰頽幸棲身於田里丹誠懇切冀駐景於崦嵫
伏念臣妾八袞平頭一生多病老而及耄未逢刮膜
之方子且生孫粗有含飴之意郡國三疏於湯沐家
庭並列於節度積茲僥倖之多慙若滿盈之懼敬因
誕日輒欲籲天伏願鑒此微忱錫之晚福一家仁遜
勿際先世之風百歲期頤克保天年之壽

又辛丑

人羨久生顧飾齡而自慨天無私覆然善願之心從

伏念臣妾早染世塵晚耽禪悅駸駸大耋久不出
於鄉閭碌碌諸兒粗能當於門戶旨甘無闕湯熨少
停人以為衰老之榮已則有滿盈之懼茲因誕日敬
叩高穹伏願鑒此精虔昇之壽嘏大國賜湯沐竊冀
新恩百年日期熙熙庶延暮景

福國生日壬寅

歲華已晚不勝喜懼之情天聽甚卑輒瀝精誠之禱
伏念臣妾頽然衰景屆此始生雖詹視之逾昏尚筋
骸之可勉老者祝哽祝噎粗適甘嘗情欲安欲生
矧侵耄耄敬憑綠奏輒歷丹忱願於此餘齡錫之

晚福班衣雜還清溫相踵於高堂錦語便蕃湯沐更封於大國

又癸卯

晚晚餘齡幾於毫及精虔一念可以上通伏念臣妾自顧早衰偶叨暮福八袞加三之老眠食粗寧一門取數之多滿盈是戒諸息承顏而定省重孫繞膝而團樂人所共榮妾常深懼衣揚屬臨於初度辦香敢昧於真依天道益謙願勿墮於孝謹人情欲壽庶獲保於期頤

又甲辰

人羨久生氣已衰而將竭天無私覆誠之至者必通伏念臣妾取數過多踰八望九昏定晨省雖云子姓之共日往月來不覺旋期之及刮膜之方難過澁血之恙甫瘳未能性悟而理融常恐舊生於福過迺齊心於誕日敬命於上穹蒲柳望秋敢保凋零之質桑榆迎暖之晚晚之齡

又乙巳

人情欲安矧頽齡之寢迫天道善應異精禱之上通伏念臣妾某猥以衰瘥安於寂寞擁麾持節及觀兒輩之榮衣揚弄璋頻見曾孫之慶然而光陰晚矣疾

病半之昨決血之失常覺殘骸之幾殆幸而平復若有獲持茲復屆於誕辰敢皈誠於洪造伏願災躔屏退吉曜照臨酌彼澗蘋聊薦至微之意譬諸杜楮庶全無用之年

又丙午

春秋之高一則以懼天地之大感而遂通伏念臣妻迫桑榆之衰年進湯沐於大國目尤昏瞶殆顏色之不分身扶持亦筋骸之非昔比因疾厄深切戰兢亟祈扣於上蒼荷保全其餘景然一門盈滿之當戒矧二息官游而未歸不勝舐犢之懷異從反哺之請

茲臨初度敢昧貢依欲望鑒其血忱介以眉壽味五福攸好德之訓佩服勿忘稽九十不從政之文擅藥相保

又丁未

壽鄰大耋驚心歲月之深病惜餘生托命乾坤之大伏念臣妻猥以弱質享茲高齡雖五疏湯沐之封然一守清白之訓筋骸迺少曾無南嶽之方瞻視全昏矧有西河之哭懼門戶之哀冷念子孫之衆多固已哀頽未忘貪愛屬皇覽初度之旦誦自求多福之言薦澗濱之蘋蘩冀垂穹聽譬道傍之檇楛永遁之天

刑

又戊申

大耋年高但覺光陰之速再生思大迄臻疾疢之平
 伏念臣妻某久以癯殘加之帶下衣裳顛倒呻吟至
 於累旬粥藥扶持性命危於一髮慄兒曹之憂懼荷
 造物之哀憐參朮收功桑榆駐景然湯熨尚煩於
 調燮而疴羸未易以威強思奮起於沉疴敬薰修於
 初度伏願祓除諸古迺續修齡字尾火頭一洗星躔
 之厄原高隱下共榮畫錦之行

新居設醮

女筭男年頗驚碎累之多考室子堂聊廣先人之舊
 落成之日徵福於天伏念臣嶺海脫身家山屏迹昔
 存蠲舍粗蔽於雨風今若蜂房各開於戶牖即東偏
 之隙地闢小築之數間雖云練時日之吉良尚恐犯
 方隅之禁忌屬孟冬之叶卜命二息以奠居上以奉
 庭闈之清溫下以帥閨門之雍睦非叩閭而默禱豈
 闔室之敢寧伏願憫此艱勤遂其安逸苟全苟合師
 往哲之格言乃寢乃興符吉人之占夢

何安丁未

戶門災厄嘗抱憂危天地施生沆蒙全護迺薰一辨

仰答九 伏念臣累召造朝一擠去國道聞仲氏疾
遽至於淪亡堂有老人懼不堪於悲惱呼天密禱窮
日疾馳吹麓已隔於怡愉擁笏獲躬於庭省脫仕路
風波之險惡遂家庭朝夕之檀藥靜言思之亦云幸
矣然而親既踰耄體多不安誰無欲生欲安之情矧
迫一喜一懼之際敬因醮謝復有懇祈伏願臣母魏
國太夫人林氏火字順行坎離相濟孫曾長茂足為晚
暮之晚娛醫卜屏除永保康寧之福

又戊申

微軀幾殆未逢十全之醫一念默通盡出再生之造

輒憑綠簡敬剖丹衷伏念臣晚晚餘齡沉綿累月受
髮膚身體曾未報於助勞禱上下神祈莫稍延於視息
果臻勿藥之喜遽失采薪之憂深惟母子檀藥之心
不陞戶門付授之托向非元化安有殘生輒羞治詈
之毛少答乾坤之德伏願自今以始惟適之安夸詡
俗情豈有買臣之繡然娛親膝寧無萊子之衣

又壬子

拙恙沉綿幾作異鄉之鬼寬恩全活復為故里之人
仰蒼昊以歸依泚綠草而推謝伏念臣某昨者膏肓
證迫性命憂深頓反戀闕之心密露首邱之禱未幾

痛定起甯珩之清羸俄又伏歸免史設之留滯尋漁
樵之保社治農圃之生涯晞髮曝背於湯熨之餘長
子抱孫於衡茅之下凡餘齡之僥倖皆大造之生全
不揆棲蟻之微輒羞豺獾之祭伏願矜憐哀憊蠲祓
灾迺舊疾悉平不復費醫和之劑希年在望方將挂
洪景之冠

又乙卯

采薪之憂命懸一瞬勿藥之喜恩等再生假以餘齡
仁哉洪造伏念臣某官情已簿年事寢高去國為農
圃之歸罷祠絕庖廩之繼尚為病撓可見身灾窮則

呼天嘗呻吟而號籲齋可事帝果奮起於沉綿不揆
蝼蟻之微輒羞豺獾之報伏望神祇叶佑星曜順行
屏岐伯之書少停湯熨拜弘景之疏遂挂衣冠

陳氏女保安

女子有行遽違慈侍婦人免乳實抱私憂伏念臣妾
劉氏昨以姪娠感於夢寐達父母兄弟殆由驚噩而
成禱上下神祇異遂生前之望果蒙化育陰賜護持
既無生壽之危復有抱雛之慶敢羞菲薦不昧初心
伏願吉曜照臨哉躔銷弭乃安莞篲聿開卜兆之祥
言采蘋繁益致壺儀之謹

又
天惟疾之憂沉綿幾殆天不言而應號籲必聞伏念
臣女劉氏昨與良人相携遠宦屬江城之傳警抱漆
室之隱憂驚恐入心遂得奇疾扶持還里幾成疾人
久矣失音近尤惡食藥累動煩於尊長蒙砧久客於
京師惟平生情之所鍾其危傲目不忍見惟有歸依
於洪造庶幾全活於微生伏願吉曜臨身躔退舍屏
二豎之祟無使伏藏過十全之醫不勞湯熨

山甫婦保胎

庭闈暮景頗思君子之抱孫家室至情莫切婦人之

免乳敬陳屏懼仰扣高真伏念臣室妾方道璋恃母
以存從夫未久執采蘋之禮敢不敬具迫坐蓐之期
寧無競懼爰歸依於仙聖冀誕育之平安伏願 颺
馭下臨辦香上格于門容如豈云復福之徵阮婦得
雄庶動尊懷之喜

又

沉綿幾殆寧免呼天俄頃有疹遂能履地再生之賜
九隕曷酬伏念臣某妻空方道璋涉秋以來屬疾頗
久爰我藥石莫起死以迴骸禱爾神祇忽沉疴之去
體螻蟻之命既知免矣豺獺之報豈容愆然伏望鑒

此情度竭其屯厄孩提繞膝未妨戲菜子之衣仇儼
齊眉所願舉孟光之素

里社禳災

典記未止豈勝如燬之憂思患預防爰作徒薪之計
合輿情而有請庶咎證之可禳伏念臣等一方自旬
浹以來比屋懲融風之警始愚氓不戒始非熒惑
之所為俄俚俗相驚常若畢方之將至深惟鄉閭守
望之義誰無室家漂搖之虞迺延黃冠為拜緣簡伏
望貸下民之自孽儼上帝之汝臨在昔一言尚使妖
星之退舍矧今萬口必蒙和氣之致祥

之女臨赦下民之自孽室無鳴鴉

傳秘方之訛靡勞鴟驅逐

再祈禱

赤青示蓄成主人之曲突綠章徵福莫熒惑之退躔
臣等昨觀常暘恐為咎證合輿情而致禱庶冷氣之
潛消迺者融風作於深夜溝澮之泉久涸綆缶之力
安施甚矣 危幸而撲滅國人驚而畢方見未熄妖
譌城門火而池魚殃各懷憂懼衆號鳴於下土再瀆
告於上穹伏願鑒觀四方敷錫五福安斯莞篔為高
卧之人有此屋廬無搖居之患

直突延燭輿情共駭辨香感格天聽甚卑念再三瀆
懇切之詞救億兆衆陷危之命老倪安枕相保於荒
年慧字收芒化為甘雨更祈終惠永戴洪恩

又

善則降之祥天何常遠灾可禳而去古有是言敢述
輿情仰塵宮聽伏念臣等土風素陋穡事薄收冷氣
未清訛傳相恐禱竈用箚之情其說若迂徐福曲突
之憂夫誰不懼惟有精虔而上懇庶幾消弭於未然
伏願惠此一方錫之五福大既順性深藏炎赫之威
星為退躔默有感通之神理

又庚午

天道善應儼上帝之汝臨人情欲安懼一人之弗獲
伏念臣等雖逢儉歲幸處樂郊境無鳴柝之虞野有
來弁之熟氣候適當於滄署里閭兼問於巫醫愁難
未甦驚訛相恐陽舒陰慘莫知乖沴之繇更瘁春疇
庶可被禳而去合旄倪而涇佃莫穹昊之垂慈伏願
董太平嘉之祥貨下民自作之孽懷鍼托艾悉令
美疚之瘳曲突徙薪永息融風之警

又

思患而預防人情至切不言而善應天聽甚卑迺率

耄倪共祈寧昊伏念自冬至臘厥證常暘風日燥剛
水泉乾涸連甍接棟深虞沴氣之行曲突徙薪思弭
融風之變俗相恐動古有禴禳凜凜之深憂遂啓而
上懇伏願賜皇極之福念民生之艱驅厲鬼之妖咸
躋仁壽遂畢方之恆永息驚譌

又癸亥

風日燥剛氣殊乖豔星辰高達古有祈禳敬述輿情
冒塵穹聽惟此一方之生聚適然連月之元乾歲稍
疵癘築塲之際未嘗聞拾穗之歌接棟
之慮惟竭精誠而上訴庶令咎證之

又

思患預防人情則一不言善應天聽甚卑謹率耄倪
御于穹昊伏念巨等粵自上世奠居此方或長子抱
孫或聯姻聚族成累辛苦難於燕子之營比屋驚訛
殆若畢方之至古昔有祈禳之說士民均號籲之情
伏願哀閭門之窮順熒惑之性上筭下算遂棲息之
安接棟連甍無漂搖之恐

民憂赤青不敢奠居帝覽綠章潛消咎證真報乾坤
之德敬羞沼沚之毛伏願慧宇退躔里閭按堵祝史
瓚筭之說何以薦忱古人突薪之防益當加謹

魏國追薦工部弟

幽明異趣然可以感通母子至情未忘於顧復俯仰
蘋薦仰徹榮章伏念臣妾次男某昨者力解麾符退
安水菽中歲亨垂魚之樂方愜素懷高年抱咄橫之
悲忽成永訣百指之孤嫠奚託一生之慈孝難忘問
甸浹之屢更叩天闈而上訴伏願離諸業障乘此津
梁脫鬼趣之沉淪郡萬悽愴譬道家之解化來往消搖

薦工部弟

少小相

箴之樂幽明永隔可勝摘蔓之悲

輒翬綠章仰于蒼昊伏念臣亡仲弟某早嘗艱阻晚

致顯融持節擁麾因勤官而得疾上官歸印願奉母
以終身方將躬最昏房枕之勞踐疇昔對床之約云
何竒禍遽隕壯圖上靡顧九衷之老人下不念一房
之孤寡手足之情雖切毫髮之力安施僅有追嚴少
仲哀愬伏願拔於大夜乘此剛風死生豈不痛哉孰
窮變滅魂氣無不之也冀免沉淪

代追薦工部二首

幼而無父豈勝孤露之悲窮則呼天蓋本恩蒿之意
俯仰哀顛仰冒穹窿伏念臣先父昨解印符退依香
火居常乏絕獨忍半生之負晚稍寬餘曾無一日之

享始謂偶愆於媿理安知遂迫於膏肓而况重闈九
齡一房百指聞者尚為之太息痛哉以此而安施未
釋煩冤奄臨卒哭惟有精虔而上懇庶幾盼響之潛
通伏願帝所監觀靈其來下脫離大幽之趣逍遙元
氣之初雖往不復還象罔莫之能索然號之使復巫
陽或者可招

父慈罔極徒切於攀號道妙難名有資於解脫追惟
嚴考奄棄中年歷官以來漫青綾之作夢厭世而去
恐黑籍之挂名游陳蝼蟻之情汙戴鴻濛之造化橋
穩度早離萬鬼之鄰故宇來歸永受六親之托

代作工部弟中行

伉儷遂睽永抱蒙祐之恨恩蒿不遠奄臨鑽燧之期
輒部煩冤冒于真宰伏念臣繫故夫杲已下從於窀
穸靡返願於孤嫠哭之如新孰云期可已矣望之弗
至所以練而概然虛結過去生之緣莫追未亡人之
痛伏願矜憐號籲超脫沉淪雖音容闕乎重泉卽之
冥漠然精爽迴乎長夜凜若生存慰尊幼之哀思為
戶門之依托

魏國九幽醮

蘭陔哥酷可勝罔極之懷苦塊哀深莫動蓋高之聽

妻其丹亦仰止穹蒼伏念臣等母魏國太夫人林氏
幼歷阨艱蚤嬪隱約相先君子曷嘗動色於牛衣稱
未亡人初豈有心於象服堅剛自守毫釐靡渝眼看
子舍之顯融手拊孫枝之長立久享重闈滯髓之奉
五啓大邦湯沐之封當其貴壽之時尤以滿盈為懼
柰惟梵卷筭止滄震其訓儉每安丰菽之供其戒
殺恐傷一蟻之命筋力雖備神明未衰自仲息之云
殂覺歡悰之寢少屬漆鄉泉便私之命方為板輿就
養之行云胡沉疴遂至大故慘甚嚴霜之隕夏累然
孤露之不天南陔白華之章從今已矣凱風寒泉之

感何痛如之敢以煩寃形諸號籲伏望憫毀巢之禍
察叫闈之情裝大夜之沉淪乘剛風而解脫死者可
作固無復生之期魂兮來歸倘有可招之理

代追薦工部弟大祥二首

呼天靡及罔極奈何送父之終有時而既輒于洪造
少瀝丹忱伏念臣先父某一掩泉扃再周歲律檀弓
既奠徒深望弗至之悲子夏已除猶有表未忘之
語痛心祥祭稽首道家庶幾百指孤嫠之情能動九
閻主宰之聽伏願刊鄴都之籍收岱宗之魂或鬼趣
未離幸早起於幽閻縱兇曹無似竊有覬於顯揚

素冠終制未忘人子之悲寶籙煉魂有感道家之
說欲伸餘慕僅有追巖荷仙聖之證明憫孤嫠之號
顛竭其業障度彼化橋乘碧落之長風閱赤明之浩
劫消遙靈境離泉壤之幽陰庇壽後昆俾門閭之高
大

魏國卒哭二首

毀巢號斗尚未絕聲過隙光陰奄臨卒哭俯彈血悃
仰瀆蒼昊伏念臣先妣魏國捨此庭闈歸于宅兆既
畢返而虞之禮愈深望弗至之悲斷機之訓徒存扇
枕之事永已雖臣親之壽九袞失復奚言然人子之

心百年猶以為短而况莫大乎死生之變難忘者顧
復之恩謂彭殤可齊豈枕塊之所忍道使曾閔復出
非顛天無以洩哀矧如追嚴素所崇信痛逝者十旬
之不返冀諸孤一念之上通伏願帝鑒觀而下臨靈
纘紛其來格刊其黑籍尚何鬼趣之憂乘彼白雲有
若道家之說

命有所制莫駐於親年魂無不之卒憑於道力伏念
臣先妣魏國奄成千古俄已十旬荷真宰之鑒臨憫
衆雖之號顛考察平生之功行靡所欠虧證明末後
之因緣超然解脫既注名於上界亦垂慶於後昆

追薦惠州弟

野鵬飛來竟作殊鄉之崇原鵠棄去丁勝同產之悲
聚族煩冤呼天號訴伏念臣弟某蚤承家訓晚奉藩
條有食蘖之清無凝香之樂事來絡繹父聞樂善之
音計至蒼皇忽破槐安之夢委愛子稚孫而不顧捨
涼臺燠館而安之雖七旬已隔于音容然一念可通
於冲漠伏願拔旅魂於遐嶠脫鬼趣於大幽緋翼旅
歸掃炎馭於三伏箕裘不墜衍餘慶於二孤

為二姪追薦惠州弟

丹旄言旋陟岵愴十旬之隔赤章哀顛扣闥冀一念

之通伏念臣等先父臣某奮自孤童安於拙宦補孝子
循蘭陔之什又矣栖遲慕前賢守鬱林之風過於清
苦凡今日寸地把茅之苟有皆平生節衣縮食之所
營云胡夏鵬之妖莫起河魚之疾野史之亭長在父
老共悲善和之宅依然主人不返兩降露濡動輒愴
悽愴水浮陸步幸無震驚輒伸人子之情敬采道家
之說伏願回乾坤之大造鑿草木之微忱逝者如斯
夫欲承顏而永訣魂兮歸來 寧與魄以俱沉脫離
幽陰周游冲漠

獲罪於天抱此幽憂之痛得請於帝招其離散之魂

力援沉淪恩霑存沒伏念臣等先父臣某奄終官舍
且涉暑塗雖返丹旌愴慈顏之就木欲銷黑籍遂血
面而叫闕果以哀悃通乎彤鬻騎驎而下等人世之
微塵化鶴而歸訪子孫於他日

為二姪追薦惠州弟小祥

板封坎掩已從窀穸之歸火改穀升追感歲時之變
俯伸號顙仰瀆穹窿伏念臣等先父某定數莫逃慈
顏愈邈期已久矣野哉短喪之言練而慨然痛甚終
身之慕惟祈表於仙聖庶有益於幽冥憑仗道慈
超離鬼趣初臨忌日豈惟有一朝之憂永佩義方奚

止為三年之改益綿餘塵燾後昆

代赤姪孫薦母

鞠育顧復百生莫報於母慈躑躅號鳴九死少伸於
孺慕伏念臣母黃氏傳家巨孝作配嚴君如友如賓
安荆練之淡泊斯人斯疾賴藥疾之扶持意疇羸為
壽考之資迺變滅在頃臾之頃夫嗟絃斷免尚髻垂
升堂不見暫暫日存之容開卷不聞諄諄耳提之誨
既抱煩冤而枕塊尚延殘息而扣闈伏願矜孩幼之血
忱刊幽陰之黑籍棄白日襲長夜雖莫招冥漠之鬼
抱明月扶飛仙冀早獲逍遙之趣

追薦六二弟

少小相依莫切同根之憂幽明永訣可勝摘蔓之悲
抑瀆穹蒼俯陳悃素伏念臣亡弟某厄終一夢俄及
六旬粗有王通之田廬未畢尚平之婚姻重矣托孤
之責歷於垂老之身迺命羽流薄羞菲薦伏願離幽
陰趣為汗漫遊隻影僅存動徃哲獨亡之嘆餘情不
泯結來生未斷之因

代續姪孫薦父

幼而無父孰恤零丁窮則呼天必聞哀籲伏念臣某
父臣某燈窓苦學砥礪好修周家所謂鄉之賢能漢

人亦云家之珍寶甫臨伯玉知非之歲方且盛強未
及宣尼學易之期奄然委蛇永別族親之恩誼虛
需兒女之長成終身含陟岵之寃泣血瀝叫閭之悃
伏願遊乎方外復于性初解脫業緣依憑因果破胡
曹劫灰之語有無渺茫遊仙家白雲之鄉逍遙自在
又

父劬莫報含荼毒之至寃夫聰甚卑瀝哀鳴而上懇俯
陳蝼蟻仰叩鴻濛伏念臣某父臣某傳奕葉之弓箕
踐前修之矩矱族稱孝鄉稱弟不可疵瑕市爭利朝
爭名則如退怯方某水某邱之自適忽斯人斯疾而

弗廖靡需三息之冠穿不顧六親之恩愛友多作誅
隣不相舂刮苦塊之悲恫徹葉珠之淵邃伏願溥施
方便考察平生信大命之有常哀先君之何辜刊陰
官之黑籍超脫沉淪乘帝鄉之白雲周遊汗漫

代強甫婦薦母

御寃枕塊永陽母慈瀝血顛天少仲子慕伏念臣妾
先妣某氏生王侯之閨嬪儒素之門堂有舅姑珍鮭
之養惟謹子無嫡庶鳴鳩之愛則均謂耆年開右窀
之封乃中歲抱柩舟之志鄉評甚媿閭範可師女子
有行念切晨昏之際人生如寄訃馳宿昔之間戴星

而歸陟岵靡及惟祈哀於穹昊庶有益於幽陰伏願
鑒謁之微忱施洪濛之大造棄日而襲長夜雖莫
返於營魂乘魂而遊太清冀永離夫鬼趣

謝恩

綠章甫徹悲哉草土之情黑籍隨刊大矣雲天之施
臣妾某從夫游宦隔母清溫聞訃告而亟歸痛音容
之漸遠念聖善劬勞之德等於乾坤接道家煉度之
文求諸艷岱果蒙衆仙聖之力俯憐一女子之微盼
嚮感通幽陰解脫及黃泉而見永無定省之期乘白
雲而仙早獲逍遙之趣

第35447号

平成 3.11.22

聖和学

928

園短大

コ

図書館

42

後村先生大全集卷之一百七十二

書
號
55
11
8
卷
第
一
冊
大
學
館
藏
書
印

秀

